



Projektni maraton 3!

Javni poziv u okviru programa: "Smislino, kreirajmo i usvojimo politike prema mladima"

Broj javnog poziva:	08.01-ZAH-34
Datum objavljivanja:	16.05.2026. god.
Naziv poziva:	Javni poziv za dostavljanje projektnih prijedloga i inicijativa u sklopu projekta "Projektni maraton 3!" u okviru programa "Smislino, kreirajmo i usvojimo politike prema mladima"
Rok za dostavljanje projektnih prijedloga:	07.06.2026 god. do 23:59h

Asocijacija srednjoškolaca u Bosni i Hercegovini (ASuBiH) objavljuje javni poziv "**Projektni maraton 3!**" u okviru projekta „**Smislino, kreirajmo i usvojimo politike prema mladima**“ koji finansira Evropska unija a provodi Institut za razvoj mladih KULT u partnerstvu sa Regionalnom kancelarijom za saradnju mladih (RYCO), Vijećem mladih Federacije BiH, Mrežom omladinskih centara za animiranje, razvoj i trening Republike Srpske (M.O.C.A.R.T.) i Asocijacijom srednjoškolaca u BiH. Projekat ima za cilj unapređenje saradnje omladinskih organizacija civilnog društva, podršku EU integracijama, te institucionalizaciju saradnje između vlasti i omladinskih organizacija, sa posebnim fokusom na mlade žene i marginalizirane grupe.

KO SE MOŽE PRIJAVITI?

Poziv je otvoren za neformalne grupe mladih koje djeluju na području Bosne i Hercegovine. Neformalne grupe su pozvane da dostave svoje prijedloge projekata za dodjelu bespovratnih sredstava. Projekti trebaju biti usmjereni na unapređenje položaja mladih i jačanje njihovog aktivnog učešća u lokalnim zajednicama širom BiH. Krajnji korisnici projekata su mladi, s posebnim fokusom na djevojke i marginalizirane mlade, koji će učestvovati u različitim aktivnostima i događajima u svojim zajednicama, kao i mladi aktivisti koji će kroz projekte biti osnaženi za društveno angažovano djelovanje.

Neformalna grupa podrazumijeva grupu od najmanje 3 do 5 članova koji djeluju zajedno. U prijavi je obavezno jasno opisati uloge članova (npr. koordinator projekta, osoba zadužena za objave na društvenim mrežama, i sl.).





Neformalne grupe sprovode inicijative na teme kao što su:

1. aktivizam mladih u lokalnoj zajednici;
2. aktivnosti vezane za zaštitu okoliša;
3. humanitarne akcije za mlade građane i građanke;
4. rad s marginaliziranim grupama (npr. učenici, mladi, Romi i slično);
5. aktivnosti za ljude treće životne dobi.

* Svaka lokalna inicijativa **mora uključivati jednog društvenog partnera** (škola, policija, lokalna firma i slično).

Lokalna građanska inicijativa je aktivnost građana usmjerena na poboljšanje stanja u lokalnoj zajednici i društvu u kojem žive. U građanske aktivnosti mogu se uključiti svi građani pojedinačno ili zajednički, s ciljem ukazivanja na konkretne probleme, njihovog rješavanja ili odgovora na potrebe zajednice.

Iznos granta: **do 2.100,00 KM po inicijativi.**

Kroz ovu komponentu bit će podržano 5 projekata / inicijativa u periodu implementacije od juna do septembra 2026. godine.

Eliminatorni kriteriji za provedbu inicijative:

- Aplikant mora biti **neformalna grupa mladih** koja djeluje na području Bosne i Hercegovine;
- Neformalna grupa mora imati **imenovanu osobu / koordinatora projekta** (punoljetnu osobu) koja je odgovorna za komunikaciju i realizaciju projekta;
- Neformalna grupa mora dostaviti **opis grupe**, koji uključuje: naziv (ako postoji), područje djelovanja, kratak opis dosadašnjih aktivnosti (ako ih ima), podatke o članovima grupe;
- Maksimalan iznos traženih sredstava **ne prelazi 2.100,00 KM**;
- Aplikant je dužan dostaviti **budžet projekta** (AS-OPB);
- Inicijativa je obavezna uključiti najmanje jednog partnerskog aktera, koji može biti javna institucija (npr. obrazovna ustanova ili policijska služba), subjekt iz privatnog sektora (lokalna firma), druga neformalna grupa ili organizacija civilnog društva. Sve predložene aktivnosti moraju biti provedene **na teritoriji Bosne i Hercegovine**;
- Sve aktivnosti moraju biti realizovane najkasnije do 30.09.2026. godine;
- Svrha inicijative mora biti usmjerena na **rješavanje konkretnih problema i potreba mladih u lokalnoj zajednici**;
- Nije dozvoljena **kupovina opreme** u okviru projekta.

Pored navedenih kriterija (bodovni kriteriji):

- poželjno je da neformalnu grupu vodi djevojka ili pripadnik marginalizirane grupe mladih;
- poželjno je da predložena inicijativa ima i zagovarački aspekt (podrazumijeva aktivnosti usmjerene na pokretanje dijaloga, inicijativa ili prijedloga prema relevantnim institucijama, donositeljima odluka ili široj javnosti, s ciljem unapređenja položaja mladih i rješavanja problema u lokalnoj zajednici).





KAKO SE PRIJAVITI NA JAVNI POZIV?

Tehničke informacije kao i svi obavezni obrasci (obrazac projektnog prijedloga, obrazac prijedloga projektnog budžeta, obavezna dokumentacija) dostupni su na online platformi Asocijacije: asubih.ba/obraci.

Aplikanti su dužni dostaviti sljedeću dokumentaciju:

1. Projektni prijedlog (AS-OPP);
2. Projektni budžet (AS-OPB);
3. **Izjava o imenovanju kontakt osobe / koordinatora projekta**, sa osnovnim ličnim podacima i kontakt informacijama;
4. Izjava o partnerstvu ili pismo podrške od partnerske institucije ili firme (*potpisano i ovjereno od strane odgovorne osobe*);

Dokumentacija se dostavlja putem linka: asubih.ba/pm3-prijava.

Dodatna pitanja u vezi ovog poziva mogu se dostaviti na e-mail adresu: grantovi@asubih.ba do **05.06.2026.**

Aplikacije koje su nepotpune, nisu dostavljene u skladu s propisanim načinom ili su podnesene na neodgovarajućim obrascima neće biti razmatrane. Informacije o statusu prijave bit će dostavljene aplikantima putem e-mail adrese navedene u prijavnim obrascu.

KADA SE PRIJAVITI?

Odobranje inicijativa i potpisivanje ugovora planirano je krajem maja 2026. godine. Implementacija počinje najranije u junu 2026. godine.

EVALUACIJA PRISTIGLIH PRIJEDLOGA

Nakon što komisija ocijeni pristigle prijedloge, svi aplikanti će biti obaviješteni o ishodu procjene prijedloga inicijative. Samo aplikanti čiji prijedlozi budu pozitivno ocijenjeni će biti razmotreni za dodjelu grantova. Obavijest o pozitivnoj ocjeni projektnog prijedloga znači da će inicijativa biti finansirana. Potpisivanjem ugovora o dodjeli granta uređuju se međusobni odnosi saradnje te prava i obaveze obje ugovorne strane.

Ukoliko aplikant smatra da su se pojavili nepravilnosti u procesu ocjene, ima pravo uložiti žalbu u roku od 5 kalendarskih dana od dana obavijesti o ishodu procjene. Žalbe se mogu uputiti komisiji putem e-mail adrese: grantovi@asubih.ba.

Asocijacija se obavezuje da će sve prikupljene podatke i dokumentaciju dostavljenu u okviru apliciranja na Javni poziv koristiti isključivo za obradu granta.

NAPOMENA: Imenice koje se odnose na osobe bez obzira na njihov gramatički rod podrazumijevaju oba prirodna roda odnosno spola.

##KRAJ_DOKUMENTA##

